

75
29. apríl

G J A L D S K R Á

fyrir Rafveitu Siglufjarðar.

I. RAFORKA

A. Lýsing.

Um kwst.mæli á kr. 2.40 hverja kwst.

B. Almenn heimilisnotkun.

1. Um tvenna kwst.mæla, annan til ljósa og hinn til suðu og hitunar, þannig reiknað:

Fyrir notkun um ljósamælinn kr. 2.40 á kwst.

Fyrir notkun um suðumælinn — 0.60 — —

Suðu- og hitunartæki, sem tengd eru við suðumælinn, skulu vera fasttengd. Þó má tengja eldavél um sérstakan 25 amp. eldavélatengil og hafa einn tengil í eldhúsinu að auki fyrir suðutæki, strokjárn o. þ. h.

2. Um einn kwst.mæli fyrir alla notkun á heimilinu, þannig reiknað:

a. Fastagjald af gólfleti íbúðar 45 aurar á m² á mán.

b. Fyrir fyrstu 3 kwst. á mán. á hvern m² gólfplatar . 60 — — kwst.

c. Fyrir notkun umfram það 22 — — —

Við ákvörðun á gólfleti íbúðar reiknast öll íveruherbergi, eldhús, gangur og baðherbergi, en ekki geymslur og þvottahús. Íveruherbergi, sem um stundarsakir standa auð, eða eru notuð sem geymslur, skal reikna sem íbúðarherbergi. Tekið skal tillit til ef um súðarherbergi eða þvílíkt er að ræða.

Ofangreind ákvæði um fyrstu notkun gilda fyrir allar íbúðir upp að 100 m², en fyrir íbúðir með yfir 100 m² gólfplöt reiknast til fyrstu notkunar 2 kwst. á mánuði á hvern m² fram yfir 100 m².

Ef nægileg raforka er ekki fyrir hendi, er bæjarstjórn heimilt að fella niður 22 aura verðið fyrir umframnotkun og selja alla notkun samkvæmt þessum gjaldskrárlið á 60 aura kwst., auk fastagjaldsins.

C. Vélanotkun.

1. Um kwst.mæli á kr. 1.35 hverja kwst.
2. Ef um mikla orkunotkun er að ræða, svo sem til frystihúsa, og kaupandinn skuldbindur sig til að kaupa 20 000 kwst. á ári hið minnsta, má selja orkuna um kwst.mæli þannig:

Fyrir fyrstu 20 000 kwst. ársnotkun 35 aurar á kwst.

— næstu 30 000 — — 33 — — —

— umfram 50 000 — — 30 — — —

Verð þetta miðast við, að útsöluverð á dieselolíu á Siglufirði sé 700 kr. tonnið, en fyrir hver full 10%, sem olíuverðið lækkar eða hækkar frá því verði, lækkar eða hækkar verð orkunnar um 10%.

D. Hitun.

Um kwst.mæli (séræli fyrir hitalögnina) á:

1. 20 aura hverja kwst.
2. 16.5 aura hverja kwst. gegn því skilyrði, að straumurinn sé rofinn með klukku-rofa í allt að 3 klst. hvern sólarhring samkvæmt nánari ákvörðun rafveitustjóra.

Notandinn setji klukkurofa fyrir hitalögnina og kosti viðhald rofans. Þó getur rafveitustjóri ákveðið að rafveitan leggi til klukkurofa og kosti viðhald hans, og kostar þá notandinn tengingu rofans og greiðir leigu af honum samkvæmt reglum, er gilda um leigumæla.

3. Eftir að viðbótarvélasamstæðan er komin upp er rafveitunni heimilt að selja raforku til hitunar yfir mánuðina maí — nóv., eða meðan vatn er yfirfljótanlegt, þannig:
 - a. á 17 auro hverja kwst. án rofs.
 - b. á 14 auro hverja kwst. með rofi allt að 3 klst.
4. 11 auro hverja kwst. til upphitunar sundlaugar mánuðina maí til september. Straumrof kl. 10—12.

Önnur skilyrði fyrir raforkusölu til hitunar:

- a. Að vélaafl, spennar og línur þoli álagið, að dómi rafveitustjóra.
- b. Að tæki, lagnir og allur búnaður í sambandi við rafmagnshitunina sé samkvæmt fyrirmælum rafveitunnar.

E. Önnur raforkunotkun.

1. Rafveitustjóri getur með sérstökum samningi selt raforku þeim notendum, sem hafa eigin vélar til orkuvinnslu, með því skilyrði að stöðva megi orkusöluna til þeirra, hvenær sem þarf, að dómi rafveitustjóra.
2. Til nota um vinnulagnir við byggingar, meðan á byggingu stendur, um kwst-mæli á kr. 1.35 hverja kwst.
3. Til lýsingar gatna, hafnar, skóla, sundlaugar, sjúkrahúsa og kirkna um kwst-mæli á kr. 1.00 hverja kwst.
4. Til fiskþurrkunarhúsa selst raforkan til hreyfla eftir gjaldskrárlið C-2, en fyrir hita til þurrkunar eftir D-2.

Alla raforkunotkun, sem ótalin er og ekki kemst undir aðra liði þessarar gjaldskrár, skal selja eftir gjaldskrárlið A. Þegar sérstaklega stendur á, má rafveitustjóri þó, að tilskildu samþykki rafveitunefndar, selja raforku eftir sérstökum samningi í hvert sinn, en eigi lengur en til eins árs í senn.

II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverri veitu, og er sú ákvörðun skuldbindandi fyrir notandann, sem skal greiða leigu af mælitækjum sem hér segir:

- | | |
|---|--------------------|
| 1. Af einfasa mælum upp að 30 amp. | kr. 2.00 á mánuði. |
| 2. — þrífasa mælum 50 amp. og minni | — 3.00 — — |
| 3. — þrífasa mælum 50 til 100 amp. | — 7.00 — — |
| 4. — þrífasa mælum yfir 100 amp. | — 10.00 — — |

Af öðrum mælitækjum en þeim, sem nefnd eru, skal ársleiga vera sem næst 20% af verði mælitækjanna.

III. HEIMTAUGAGJALD

Af hverri húsveitu, sem tengd er við rafveituna, skal greiða heimtaugargjald, sem miðast við rúmmál húss, utanmál, þar með talinn kjallari og íbúðarfært ris, eins og hér segir:

75
29. apríl

<i>Rúmmál húss í m³:</i>	<i>Heimtaugargjald jarðstrengs:</i>
Allt að 200	kr. 600.00
Frá 200 allt að 300	— 700.00
— 300 — — 400	— 800.00
— 400 — — 500	— 900.00
— 500 — — 600	— 1000.00
— 600 — — 700	— 1100.00
— 700 — — 800	— 1200.00
— 800 — — 900	— 1300.00
— 900 — — 1000	— 1400.00
— 1000 — — 1200	— 1500.00
— 1200 — — 1400	— 1600.00
— 1400 og þar yfir	— 1700.00

Fyrir loftlínu greiðist sem nemur 70% af gjaldinu fyrir jarðstreng.

Sé jarðlínuheimtaug lengri en 15 metrar og loftlínuheimtaug lengri en 40 metrar eða gildleiki víra meiri en 3×70 mm², skal húseigandi greiða kostnað af því, sem fram yfir er.

Ef lagðar eru fleiri en ein heimtaug að sama húsi, greiði húseigandi allan kostnað við síðari heimtaug eftir reikningi.

Þau hús, sem áður hafa greitt heimtaugargjald eftir reikningi, greiði aðeins mismuninn, ef loftlínu er breytt í jarðstreng. En þau hús, sem ekki hafa greitt heimtaugargjald, greiði það þegar þau hafa fengið heimtaug sína endurbyggða.

Gjald fyrir heimtaug fellur í gjalddaga, þegar uppsetningu taugar er lokið.

IV. OPNUNARGJALD

1. Hafi gjald samkvæmt gjaldskrá þessari ekki verið greitt, svo að til lokunar hafi komið fyrir veitu, skal taka gjald fyrir enduroppnun, 20 krónur.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki enduroppnuð fyrr en notandinn hefur greitt 20 króna gjald á skrifstofu rafveitunnar.

V. BREYTINGAR

1. Gjöld samkvæmt liðum A, B, C-1 og E í I. kafla gjaldskrárinnar miðast við kaupgjaldsvisitölu Hagstofu Íslands í nóv. 1952 (153 stig) og hækka eða lækka um 1% fyrir hver full 2 stig sem vísitalan hækkar eða lækkar.
2. Gjöld samkvæmt D-liðum I. kafla gjaldskrárinnar breytist með útsöluverði á kolum og dieselolíu á Siglufirði, þannig að þau teljist jafngilda 500 kr. verði á kolatonni og 800 kr. verði á olíutonni, en hækki eða lækki um 10% fyrir hver full 10% sem eldsneytisverðið hækkar eða lækkar, þó þannig að raforkuverðið miðist við það eldsneytisverðið, sem lægra er hlutfallslega, miðað við grunnverðið 500 kr. á kolatonni og 800 kr. á olíutonni.
3. Auk ofangreindra breytinga er bæjarstjórn heimilt að hækka eða lækka öll gjöld, sem ákveðin eru í þessari gjaldskrá um allt að 20%, án sérstakrar staðfestingar ráðuneytisins, enda auglýsi bæjarstjórnin breytinguna í Lögbirtingablaðinu, áður en til hennar kemur.

Gjaldskrá þessi staðfestist hér með samkvæmt vatnalögum, nr. 15 20. júní 1923, og raforkulögum, nr. 12 2. apríl 1946, til þess að öðlast gildi frá og með 1. maí 1953,

og birtist til eftirbreytni öllum þeim, sem hlut eiga að máli. Jafnframt er úr gildi felld gjaldskrá fyrir Rafveitu Siglufjarðar, nr. 63 8. maí 1951.

75

29. apríl

Atvinnumálaráðuneytið, 29. apríl 1953.

Hermann Jónasson.

Þorv. K. Þorsteinsson.

AUGLÝSING

76

30. apríl

um breyting á samþykkt um lokunartíma sölubúða og takmörkun á vinnutíma sendisveina í Hafnarfirði, nr. 97 19. júní 1944.

1. gr.

Í 1. mgr. 2. gr. samþykktarinnar skulu falla niður orðin „nema föstudaga, þá skal lokað eigi síðar en kl. 7 síðdegis“.

2. gr.

3. mgr. 2. gr. orðist svo:

Á tímabilinu frá 1. maí til 30. september, skal á laugarlögum loka sölubúðum eigi síðar en kl. 12 á hádegi, enn fremur á tímabilinu frá 30. september til 30. apríl skal loka á laugardögum eigi síðar en kl. 4 e. h.

Heimilt er á tímabilinu 1. maí til 30. september að hafa búðir opnar til kl. 7 e. h. á föstudögum.

3. gr.

Breyting þessi öðlast þegar gildi.

Samþykkt þessi, sem gerð er af bæjarstjórn Hafnarfjarðarkaupstaðar samkv. lögum nr. 17 1. febr. 1936, staðfestist hér með, og birtist til eftirbreytni öllum þeim, sem hlut eiga að máli.

Jafnframt er úr gildi felld auglýsing nr. 67 frá 2. maí 1946, um breyting á samþykkt um lokunartíma sölubúða og takmörkun á vinnutíma sendisveina í Hafnarfirði, nr. 97 19. júní 1944.

Félagsmálaráðuneytið, 30. apríl 1953.

F. h. r.

Hjálmar Vilhjálmsson.

Gunnlaugur Þórðarson.

REGLUGERÐ

77

1. maí

fyrir garðyrkjuskóla ríkisins að Reykjum í Ölfusi.

I. KAFLI

Tilgangur skólans, inntökuskilyrði og námstími.

1. gr.

Tilgangur skólans er að veita garðyrkjunemum sérfræðslu, bóklega og verklega. Enn fremur að gera ýmsar tilraunir með ræktun garðjurta, bæði við almenn skilyrði og í gróðurhúsum.